



CONVÈNI ENTRE ES AJUNTAMENTS D'ARRES, BAUSEN, ES BÒRDES, BOSSÒST, CANEJAN, LES, NAUT ARAN, VIELHA E MIJARAN E VILAMÒS ENTARA PRESTACION CONJUNTA DETH SERVICI DE TAXI EN ÀMBIT TERRITORIAU D'AGUESTI MUNICIPIS.

Vielha, a 18 de gèr de 2018

AMASSATS

Eth Sr. Pere Castet Farré, Alcalde der Ajuntament d'Arres, en nòm e representacion d'aguest ens locau.

Era Sra. Veronique Marie Noelle Fontan, Alcaldessa der Ajuntament de Bausen, en nòm e representacion d'aguest ens locau.

Eth Sr. Francés Medan Juanmartí, Alcalde der Ajuntament d'Es Bòrdes, en nòm e representacion d'aguest ens locau.

Eth Sr. Amador Marqués Atés, Alcalde der Ajuntament de Bòssost, en nòm e representacion d'aguest ens locau.

Eth Sr. Juan Carlos Lastera Alcalde, Alcalde der Ajuntament de Canejan, en nòm e representacion d'aguest ens locau.

Eth Sr. Emilio Medan Ané, Alcalde der Ajuntament de Les, en nòm e representacion d'aguest ens locau.

Eth Sr. Cesar Ruíz-Canela Nieto, Alcalde der Ajuntament de Naut Aran, en nòm e representacion d'aguest ens locau.

Eth Sr. Juan Antonio Serrano Iglesias, Alcalde der Ajuntament de Vielha e Mijaran, en nòm e representacion d'aguest ens locau.

Eth Sr. Francisco Castet Condó, Alcalde der Ajuntament de Vilamòs, en nòm e representacion d'aguest ens locau.

Es parts se reconeishen era capacitat e representacion entà signar aguest convèni e as efectes esmentadi.

EXPAUSEN

Prumèr.- Er article 23 dera Lei 19/2003, de 4 de junhsèga, deth taxi, preve qu'eth departament competent en matèria de transpòrt pogue establir àrees territoriaus de prestacion conjunta deth servici o formules entara coordinacion intermunicipau enes zònes a on i a interaccion o influència recíproca entre servicis de transpòrt de diferents

municipis, de manera qu'era ordenacion adequada des servicis transcendísseu es interessis de cadun des municipis dera zona.

Dusau.- De conformitat damb çò expausat anteriorment, es ajuntaments d'Arres, Bausen, Es Bòrdes, Bossòst, Canejan, Les, Naut Aran, Vielha e Mijaran e Vilamòs consideren necessària era prestacion conjunta deth servici de taxi en àmbit des sòns tèrmes municipaus, de forma qu'es taxis de toti aguesti municipis poguen actuar conjuntament en quinsevolh des sòns tèrmes municipaus.

Tresau.- En conseqüència, es parts, per miei d'aguest instrument, establis un marc de collaboracion en quau se concreten es actuacions a desenvolupar entara prestacion conjunta deth servici de taxi en àmbit territorial des municipis d' Arres, Bausen, Es Bòrdes, Bossòst, Canejan, Les, Naut Aran, Vielha e Mijaran e Vilamòs.

Quatau.- En aplicacion de çò que dispause er article 57.1 dera Lei 7/1985, de 2 d'abriu, Reguladora des Bases deth Règim Locau en relacion damb çò que se dispause enes articles 47 e següents dera Lei 40/2015, d'1 d'octobre, de Règim Jurídic deth Sector Public, en marc des sues respectives competéncies, es ajuntaments signants concreten es sues actuacions en marc deth present convèni de collaboracion entara prestacion conjunta deth servici de taxi en àmbit territorial d'Aran, sense que se mete en risc era sostenibilitat financera deth conjunt dera isenda municipau.

Per tot çò expausat, e d'acòrd damb aquestes consideracions, es parts

ACÒRDEN

Prumèr.- *Objècte deth convèni*

Aguest convèni a per objècte definir es actuacions des parts entara prestacion conjunta deth servici de taxi en àmbit territorial des municipis d'Arres, Bausen, Es Bòrdes, Bossòst, Canejan, Les, Naut Aran, Vielha e Mijaran e Vilamòs.

Dusau.- *Prestacion conjunta territorial*

Es ajuntaments d'Arres, Bausen, Es Bòrdes, Bossòst, Canejan, Les, Naut Aran, Vielha e Mijaran e Vilamòs se comprometen a permetre era prestacion deth servici de taxi, en tot arremassar e en tot deishar viatgèrs enes respectius tèrmes municipaus, as titolars de licéncies de taxi de quinsevolh des municipis nomentadi.

Tresau.- *Tarifes*

Es ajuntaments d'Arres, Bausen, Es Bòrdes, Bossòst, Canejan, Les, Naut Aran, Vielha e Mijaran e Vilamòs se comprometen a armonizar es tarifes urbanes respectives de forma qu'agen es madeishi concèptes e impòrts. Per çò que tanh ara tarifa interurbana aplicabla, serà era aprovada peth Departament de Territori i Sostenibilitat de la Generalitat de Catalunya.

Quatau.- Autrejamet de licéncies

Cadun des ajuntaments signants d'aguest convèni mantieran era sua competéncia d'autrejamet des licéncies entara prestacion des servicis urbans de taxi corresponents ath sòn municipi, reconeishuda en article 5 dera Lei 19/2003, de 4 de junhsèga, deth taxi. Maugrat açò, e damb caràcter prealable ar increment deth sòn numèro, auràn d'obtier era conformitat des auti municipis enes que se prèste de forma conjunta eth servici.

Cincau.- Utilizacion des parades

Es parades de taxi sonque poderàn èster utilizades entara demora e arremassada de viatgèrs pes titulars de licéncia de taxi deth municipi a on se trapen localizades.

Siesau.- Comission de seguiment

As efèctes de velhar peth corrècte desenvolupament der objècte d'aguest convèni, se cree ua Comission de Seguiment integrada per un representant de cadua des parts signants, atau coma per un representant deth Departament competent en matèria de transpòrt e un representant deth Consell Català del Taxi. Eth règim de foncionament d'aguesta Comission se determinarà per mutuau acòrd.

Setau.- Vigéncia

Aguest convèni aurà ua vigéncia de quate ans, a compdar des dera data dera sua signatura.

En quinsevolh moment abantes dera finalizacion deth tèrme previst en anterior apartat, es signants deth convèni poderàn acordar per unanimitat era sua prorròga per un tèrme d'enquia quate ans adicionaus o era sua extincion.

Se quauqu'un des ajuntaments signants volèsse denonciar-lo ac aurà de hèr damb ua antelacion minima de tres mesi abantes dera sua finalizacion o dera finalizacion dera prorròga acordada e notificà'c ara rèta des signadors en tot indicar eth motiu dera denúncia.

Ueitalu.- Incompliment

Era non observacion per quinsevolha des parts des obligacions establides en aguest convèni facultarà as autes parts a exigir-ne eth sòn compliment efectiu, e en cas qu'aguest non se produsísque, a era resolucion deth convèni.

Nauau.- Jurisdiccio

Es qüestions derivades dera aplicacion e interpretacion d'aguest Convèni que non pogen èster resòltes pera Comission de Seguiment prevista en pacte siesau d'aguest Convèni, quedaran sotmetudes ara jurisdiccio contenciosa administrativa.

E en pròva de conformitat, se signe aguest Convèni en dètz exemplars e a un solet efècte en lòc e data remercadi ena entèsta.



Sr. Pere Castet Farré
Alcalde der Ajuntament d'Arres

Sra. Veronique Marie Noelle Fontan
Alcalde de l'Ajuntament de Bausen

Sr. Francés Medan Juanmartí
Alcalde der Ajuntament d'Es Bòrdes

Sr. Amador Marqués Atés
Alcalde der Ajuntament de Bossòst

Sr. Juan Carlos Lastera Alcalde
Alcalde der Ajuntament de Canejan

Sr. Emilio Medan Ané
Alcalde der Ajuntament de Les

Sr. Cesar Ruiz-Canela Nieto
Alcalde der Ajuntament de Naut Aran

Sr. Juan Antonio Serrano Iglesias
Alcalde der Ajuntamentde Vielha e Mijaran

Sr. Francisco Castet Condó
Alcalde der Ajuntament de Vilamòs